

黃氏逸書考

通德堂經解

逸書考

發公羊墨守

甘泉黃奭學

隱公

元年傳君之始年也墨守云君者臣之天

也

文選陸機謝平原內史表注

發

缺

故凡隱之立爲桓立也墨守

缺

發云隱爲攝位周公爲攝政俱相幼君攝位

與攝政異也

禮記明堂位正義

民國甲戌

發公羊墨守

江都朱氏

三年八月庚辰宋公和卒墨守

缺

補子

發云六年制禮作樂封殷之後稱公於宋

禮記

樂記正義

桓公

十一年傳古者鄭國處于留先鄭伯有善
于鄆公者通乎夫人以取其國而遷鄭焉
而野留莊公死已葬蔡仲將往省于留塗
出于宋宋人執之墨守

缺

發云鄭始封君曰桓公者周宣王之母弟國

在宗周畿內今京兆鄭縣是也桓公生武公

武公生莊公

此句行

遷易東周畿內

案詩鄭譜正義引發

遷居東周畿內遷易之易當作居

國在號卽

之間今河南新鄭是也武公生莊公因其國

焉留乃在陳宋之東鄭受封至此適三世安

得古者鄭國處於留祭仲將往省留之事乎

周禮大司徒疏

僖公

二十四年傳王者無外此其言出何不能

發公羊墨守

二江者身日
補刊

乎母也墨守

缺

案休注云不能事母罪莫大於不孝故絕之言出也

下無廢上之義得絕之者明母得廢之臣下得從母令此可補墨守之缺

發云聖人制法必因其事非虛加之孟子曰
夫人必自侮而後人侮之家必自毀而後人
毀之國必自伐而後人伐之今襄王實不能
孝道稱惠后之心令其寵專於子失教而亂
作出居於鄭自絕於周故孔子因其自絕而
書之公羊以母得廢之則左氏已死矣疏案左
傳云王日先后其謂失教而亂作自絕於周
我何已死當指惠后

從左氏

疏又引此失教二旬墨出

成公

六年二月辛巳立武宮武宮者何武公之

宮也立者何不宜立也墨守

缺案休注云立武宮者

蓋時衰多廢人事而好求福於鬼神故重而書之此亦卽墨守之義

發云孝子祭祀惟致其誠信與其忠信而已不求其爲而祀尸嘏主人曰皇司命工祝承致多福無疆于女孝孫來女孝孫使女受福于天宜稼于田眉壽萬年勿替引之若此祭

祀內盡已心外亦有所福之義也

禮記禮器正義

通德堂經解

逸書考

六藝論

甘泉黃爽學

六藝者圖所生也

公羊傳疏

易論

易者陰陽之象天地之所變化政教之所生

自人皇初起

禮記正義路史前紀五注後紀一注

遂皇之後歷六紀九十一代至伏羲始作十

言之教

禮記正義禮運正義引禮人在伏羲之前凡六紀九十一代曲禮正義引

疑人至伏羲一百八十七代方叔機注云六紀者九頭紀五龍紀攝提紀合洛紀連通紀

序命紀凡六紀也九十一代者九頭一五龍
五攝提七十二台洛三連通六序命四凡九
十一代也

虞義作十言之教曰乾坤震巽坎離艮兌消

息無文字謂之易

漢上易傳八

作十言之教以厚君民之別

路史後紀一注

太昊帝庖羲氏姓風蛇身人首有聖德燧人

歿伏羲皇生其世有五十九姓羲皇始序制

作法度皆以木德王也制嫁娶之禮受龍圖

以龍紀官故曰龍師在位合一萬一千一十

二年炎帝神農氏姓姜人身牛首有火瑞卽
以火德王有七世合五百年也

唐釋琳
辯正論

宓羲氏爲網罟以畋以漁取犧牲以充庖廚
故曰庖犧氏也神農氏斲木爲耒耜揉木爲
耨始教天下種五穀故號神農氏也

上全

軒皇姓公孫二十五月而生有珠衡日角之
相以土德王天下建寅月爲歲首生子二十
五人有十二姓凡十三世合治一千七十二
年夢受帝籙遂與天老巡河而受之得河圖

書師於牧馬小童拜廣成丈人於崆峒山上全

黃帝佐官有七人蒼頡造書字大撓造甲子

隸首造算數容成造歷日岐伯造醫方鬼諛

區造占候奚仲造車作律管興壇墀禮也上全

軒皇有景雲之瑞用雲紀官少昊帝有鳳鳥

之瑞故以鳥紀官焉上全

神農重卦周易正義序漢上易傳山堂考索前集一續集三別集三瑞桂堂暇

錄事物紀原

河圖洛書皆天神言語所以教告王者也詩文

王序
正義

太平嘉瑞圖書之出必龜龍銜負焉黃帝堯
舜周公是其正也若禹觀河見長人皋陶於
洛見黑公湯登堯臺見黑鳥至武王渡河白
魚躍文王赤雀止於戶秦穆公白雀集於車
是其變也

詩文王
序正義

易繫辭云易之興也其當殷之末世周之盛
德邪當文王與紂之事邪據此以言

以本在
言字下

易是文王所作斷可知矣

左傳昭二
年正義

夏曰連山殷曰歸藏周曰周易連山者象山

之出雲連連不絕歸藏者萬物莫不歸藏於

其中周易者言易道周普无所不備

易正義論三代

易名書疏十二周禮疏二十四禮記疏二十八口訣義王氏引之謂易論

易之爲名也一言而函三義

易正義作易一名而合三義

簡易一也

正義作易簡

變易二也不易三也故繫

辭云乾坤其易之緼耶

正義作緼邪

又曰易之門

戶耶

正義曰作云耶作邪

又曰

正義曰俱作云

夫乾確然示人

易矣夫坤隤然示人簡矣易則易知簡則易

從此言其易簡之法則也又曰其爲道也婁

遷

正義婁作屢

變動不居周流六虛上下无常剛

柔相易不可爲典要唯變所適此言順時變
易出入移動者也又曰天尊地卑乾坤定矣
卑高以陳貴賤位矣動靜有常剛柔斷矣此
言其張設布列不易者也

易正義上此

據茲三義

而說易之道廣矣大矣

世說新語文學篇注引易贊

書論

孔子求書得黃帝立孫帝魁之書迄於秦穆

公凡三千二百四十篇斷遠取近定可以爲

世法者百二十篇以百二篇爲尙書十八篇

爲中候

書孔序正義

民間得泰誓

書孔序正義

若堯知命在舜舜知命在禹猶求於羣臣舉
於側陋上下交讓務在服人孔子曰民可使
由之不可使知之此之謂也

書堯典正義

詩論

詩者弦歌諷喻之聲也

此句又見御覽學部二敘經典

自書

契之興樸略尙質面稱不爲諂目諫不爲謫
君臣之接如朋友然在於懇誠而已斯道稍
衰姦僞以生上下相犯及其制禮尊君卑臣
君道剛嚴臣道柔順於是箴諫者希情志不
通故作詩者以誦其美而譏其過

詩講序
正義

唐虞始造其初至周分爲六詩

詩關雅
序正義

春秋演孔圖云詩含五際六情

全上

汎歷樞云午亥之際爲革命卯酉爲改正辰
在天門出入候聽卯天采也酉祁父也午采

芑也亥大明也亥爲革命一際也辰則爲天
門出入聽候二際也卯爲陰易交際三際也
午爲易謝陰興四際也酉爲陰盛易微五際
也其詩含此五際

今上

詩初出未有若今傳訓章句

詩闕雅章句疏

河間獻王好學其博士毛公善說詩獻王號
之曰毛詩

詩序正義

注詩宗毛爲主毛義若隱略則更表明如有
不同卽下已意使可識別也

全上詩釋文

文王創基至魯僖閒商頌不在數矣孔子刪
詩時錄此五章豈無意哉商邑翼翼四方之
極我有嘉客亦不夷懌豈能忘哉景山商墳
墓之所在也商邑之大豈無賢才哉松栢尤
尤在於斲而遷之方斲而敬承之以用之也
爾松栢小材有挺而整布衆楹大材有閑而
靜別旣各得施則寢成而孔安矣拱成羣材
而任以成國則人君高拱仰成矣是綢繆牖

戶之義也

路史後
記九注

禮論

禮者序尊卑之制崇敬讓之節也

書鈔藝文部一御覽

學部二
叙經典

唐虞有三禮至周分爲五禮

周禮春官宗伯疏

漢興高堂生得禮十七篇後孔子壁中得古文禮五十七篇其十七篇與前同而字多異

禮紀奔喪正義
山堂考索續集

後得孔氏壁中河間獻王古文禮凡五十六篇記百三十一篇周禮六篇其十七篇與高

堂生所傳同而字多異

釋文序錄
禮記正義

周官璧中所得六篇

禮記
正義

案漢書藝文志儒林傳云傳禮者十三家唯高堂生及五傳弟子戴德戴聖名在也

全上

五傳弟子謂高堂生之學蕭奮孟卿后蒼戴

德戴聖也

因學
紀聞

今禮行於世者戴德戴聖之學也

禮記
正義

戴德傳記八十五篇則大戴禮是也戴聖傳禮四十九篇則此禮記是也

全上

春秋論

春秋者國史所記人君動作之事

御覽學部二叙經典

作古史所記之制動作之事也

左史所記爲春秋右史所記

爲尙書

公羊傳疏

孔子旣西狩獲麟自號素王爲後世受命之

君制明王之法

左傳序正義因學紀聞

玄又爲之注

孝經正義

治公羊者胡毋生董仲舒董仲舒弟子嬴公
嬴公弟子眭孟眭孟弟子莊彭祖及顏安樂

安樂弟子陰豐劉向王彥

公羊傳序疏

左氏善於禮公羊善於讖穀梁善於經

穀梁傳序

疏

孔子以六藝題目不同指意殊別恐道離散

後世莫知根源故作孝經以總會之

正孝經義

玄又爲之注

全上

鄭志序

是書崇文總目始不著錄則亡於北宋之初
惟究出誰手言人人殊後漢書本傳曰門生
相與譏元荅弟子依論語作鄭志八篇隋書
經籍志曰鄭志十一卷魏侍中鄭小同撰鄭
記六卷鄭元弟子撰新舊唐書藝文志曰鄭
元鄭志九卷鄭記六卷劉知幾史通曰鄭弟
子追論師說及應荅謂之鄭志分授門徒各
述師言更不問荅謂之鄭記孝經正義曰其

鄭志序

弟子追論師所著述及應對時人謂之鄭志
鄭之弟子分證門徒各述所言更爲問荅編
錄其語謂之鄭記愈說愈紛新舊唐志動輒
疎舛其以鄭志鄭記卽由鄭公手定此妄言
耳殆不足辨隋志雖根七錄爲阮孝緒等所
考定似無不可從然遽以鄭志爲出侍中一
手竊恐不然范蔚宗去漢未遠必有所本以
爲鄭志八篇則八篇矣隋志忽懸爲十一卷
將謂此十一卷爲侍中私志與八篇之志並

行必無其事或者弟子先有八卷成書侍中
釐爲十一未可知也否卽侍中新續三卷合
前八卷而十一之亦未可知至唐志九卷之
說則不知爲後人又併侍中之十一卷而九
之抑佚其二卷耶總之謂侍中與弟子互相
追論或先或後則可謂弟子絕不與其事則
不可且隋志亦自言鄭記爲弟子撰矣三占
從二何況孝經正義及史通無不以鄭志鄭
記悉出弟子若詩正義之以鄭記爲鄭冲弟

子爲說申鄭之義非鄭公弟子誠所謂單詞
孤證識者譏焉惟孝經正義卽引史通而能
不沿更不問荅之訛作更爲問荅使王伯厚
朱竹垞早知初學記通典各引鄭記皆有王
瓚荅詞當不爲史通俗本所誤卽如曲禮正
義引鄭志有崇精問卽有焦氏荅月令正義
引鄭志有王權問卽有焦喬荅有焦氏問卽
有張迎荅此皆可爲邢疏更爲問荅謂之鄭
志之證而誤于校孔疏者泥更不問荅之俗

史通改鄭記爲鄭志猶之詩七月正義改鄭志爲吳志月令正義改鄭志爲方言豈眞肯出孔氏原疏卽如生民正義引高禩一條復嘗不直言鄭記而或且疑崇精焦氏諸人多生魏晉間距鄭已遠其問荅于鄭公稱姓不稱先師似非弟子是皆不悟親受業者爲弟子轉授者爲門人當鄭公客耕東萊時學徒已數百千計及逃何進之辟弟子自遠方至者又數千安能一一耳提而面命之然不得

謂門人不在弟子之列鄭公在扶風門下高
業弟子傳受而已斯時鄭公豈以不召見樓
上而遂削著錄之籍哉特不必謂荅而不問
如趙商張逸焦喬汜閣田瓊五人爲弟子問
而不荅崇精崇翽王權鮑遺陳鑠劉德六人
爲門人則失之鑿矣鄭志原目不可見據周
禮保章氏疏引春秋志大司寇疏引易志詩
甫田正義引尙書志固以經爲部居今旁依
經次之都爲一卷大半皆弟子更爲問荅自

是鄭記始因依論語問交等章例一概編入
鄭志中繼思通典引鄭志未有不是鄭公與
弟子問荅者引鄭記未有不是弟子與爲問
荅者然後知志之與記較然可觀不必如紀
文達公所指鄭記僅初學記太平御覽通典
三條爰分志與記爲二于前刻高密遺書中
而退志記不分之原輯本于此並識前人會
輯鄭志者姓名如左

道光壬寅嘉平月甘泉黃爽右原

鄭志序

武英殿聚珍板鄭志三卷補遺一卷紀昀校

秦氏汗筠齋叢書鄭志三卷

錢東垣錢繹校

孫氏問經堂叢書鄭志三卷補遺一卷王復

輯武億校

鄭學鄭志八卷

孔廣林輯

通德堂經解

知足齋叢書

鄭志鄭小同等撰

甘泉黃奭輯

易志

大畜六四童牛之牯元吉

洽剛問大畜六四童牛之牯元吉注巽爲木互體震震爲牛之足足在艮體之中艮爲手持木以就足足是施牯又蒙初六注云木在足曰桎在手曰牯今大畜六四施牯於足不塞桎牯手足定有別否

月令正義引洽剛問答云牛四足俾以稱牯

曰牛無手前足施栲也

此五字見月令正義

故以足言

之

周禮內饗大司寇疏

歸妹六三歸妹以須注須有才知之稱天文有須女屈原之姊名女須

答冷剛云須才知之稱故屈原之姊以爲名

詩桑扈正義正義正

義姊本作妹誤

尚書志

堯典乃命羲和注犁爲火正司地

答趙商云先師以來皆云火當爲北當云犁

爲北正

正義又詩
論正義

答趙商云三皇至道故舉南北正夏冬而春
秋自正五帝中道故又命羲和夏詳人事乃
合而一之

路史高
陽紀

三岳注置八伯

張逸問云九州而八伯者何答云畿內之州
不置伯有鄉遂之吏主之

禮記王
制正義

咎繇謨州十有二師注春秋傳曰禹朝羣
臣於會稽執玉帛者萬國八州凡九千六

百國其餘四百國在圻內則子男也

張逸問云案左傳禹會諸侯於塗山執玉帛者萬國外傳云禹朝羣臣於會稽防風氏後至不與注相應何答云欲明諸侯守土之祀

故兼用外傳內傳語

禮記上制正義

趙商問云以王制論之畿內之國有百里有七十里有五十里今率以下等計之又有王城關遂郊郭卿大夫之采地數不在中今就四百似頗不合答云三代異物王制之法唐

虞或不盡然堯舜之德守在四疆鄉遂有無
無以言也公卿大夫有田祿者其四百國非
采地爲何王城之大郊關之處幾何而子貢

急也

禮記王制正義

禹貢大陸既作注大陸澤在鉅鹿

答張逸云鉅鹿今名廣河澤

詩般正義

厥貢漆絲厥篚織文

凡所貢篚之物皆以稅物市之隨時物價以

當邦賦

詩甫田正義

又北播爲九河

趙商謂河在兗州之北已分爲九河分而復合於大陸之北又分爲九故問之曰禹貢導河至於大陸又北播爲九河然則大陸以南固未播也在於兗州安得有九至於何時復得合爲一然後從大陸以北復播爲九也答曰兗州以濟河爲界河流分兗州界矣自明矣復合爲一乃在下頭子走南北何所求乎觀于所云似徒見今兗州之界不及九河而

青冀州分之故疑之耳既知今亦當知古

正義

西百里粟五百里米

金滕以旦代某之身

趙商問曰若武王未終疾固當瘳信命之終雖請不得自古以來何患不爲答曰君父疾病方困忠臣孝子不忍默爾視其獻歆歸其命於天中心惻然欲爲之請命周公達於此禮著在尙書若君父之病不爲請命豈忠孝

之志也

正義

顧命帟之舞衣大貝鼗鼓在西房兌之戈

和之弓垂之竹矢在東房

正義云鄭注周禮宗廟階寢制

如明堂明堂則五室此路寢有東房西房張逸以問鄭

答云成王崩在鎬京鎬京宮室因文武更不

改作故同諸侯之制有左右房也

正義

答趙商云成王崩之時在西都文王遷豐作

靈臺辟廡而已其餘猶諸侯制度故喪禮設

衣物之處寢者

者似當作之

夾室與東西房也周

公攝政致太平制禮作樂乃立明堂於王城

詩斯于正義禮

記玉藻正義

書贊我先師棘下生安國亦好此學

張逸問贊云我先師棘下生何時人答云齊

田氏時善學者所會處也齊人號之棘下生

無常人也

水經淄水注
案棘稷通

毛詩志

國風周南關雎序

張逸問何詩近於比賦興答曰比賦興吳札

觀詩已不歌也孔子錄詩已合風雅頌中難

復摘別篇中義多興

正義正

答張逸云國史采衆詩時明其好惡令瞽瞍

歌之其無作主皆國史王之令可歌

正義正

答張逸云舊俗者若晉有堯之遺風先王之

澤衛有康叔餘烈

正義正

張逸問嘗聞一人作詩何謂答曰作詩者一

人而已其取義者一國之事變雅則譏王政

得失閔風俗之衰所憂者廣發於一人之本

身正義

答張逸云風也小雅也大雅也頌也此四者人君行之則爲興廢之則爲衰正義

張逸問王者之風王者當在雅在風何答曰

文王以諸侯而有王者之化卒以受命四字依譜

正義增述其本宜爲風

答劉炎云論語注人間行久義或宜然故不

復定以遺後說正義案哀劬窳箋云哀當爲衷論語注不破字

卷耳采采卷耳傳事采之也

答張逸云事謂事事一一用意之事芼苜亦

然雖說異義則同

正義

各蝨斯

傳不言與

答張逸云若此無人事實與也文義自解故

不言之凡說不解者耳衆篇皆然

正義

麟趾序

張逸問麟趾義云關雎之化行天下無犯非
禮雖衰世之公子皆信厚其信厚如麟趾之
時箋云喻今公子亦信厚與禮相應有似于

麟惟于此二者時關雎之化致信厚未致麟
答曰衰世者謂當文王與紂之時而周之盛
德關雎化行之時公子化之皆信厚與禮合
古太平致麟之時不能過也文王承先公之
業積修其德以致風化述其美以爲之法能
行其本則致末應旣致其應設以爲法義正

召南甘棠序

張逸以行露箋云當文王與紂之時謂此甘
棠之詩亦文王時事故問之云詩傳及樂記

武王卽位乃分周公左召公右爲二伯文王

之時不審召公何得爲伯

二南正義作趙商問甘棠行露之詩

美召伯之功箋以爲當文王與紂之時接不審云云無詩傳以下廿四字答曰甘

棠之詩召伯自明誰云文王與紂之時乎正義

行露

張逸問行露召伯聽訟察民之意化耳何訟乎答曰實訟之辭也民被化久矣故能有訟

正義

標有梅

答張逸云行露以正言也標有梅以蕃育民

人義正

小星抱衾與裯傳裯禪被也箋裯牀帳也
張逸問此箋不知何以易傳又諸妾抱帳進
御於君有常寢何其碎答曰今人名帳爲裯
雖古無名被爲裯諸妾何必人抱一帳施者
因之如今漢抱帳也義正

野有死麋無使龍也吠

答張逸云正行昏禮不得有狗吠義正

何彼穠矣平王之孫

張逸問箋云德能正天下之王然則不必要
文王也答曰德能平正天下則稱爲平故以
號文王焉正義

騶虞

張逸問傳曰白虎黑文又禮記曰樂官備何
謂答曰白虎黑文周書王會云備者取其壹
發五紕言多賢也正義

張逸問豕生三曰豨不知母豕也豚也答曰

豚也過三以往猶謂之縱

正義爾雅釋獸疏

抑燕燕

坊記引燕燕詩注以爲夫人定姜之詩

答吳模云爲記注時

坊記正義執依坊記正義增就

盧君先師亦然後乃得毛公傳

坊記正義云後得毛傳乃

改本誤記依南

之既咳正義改古書義又且然記注已行

不復改之

正義南咳正義禮記坊記正義案盧君盧植也先師張恭祖也

匏有苦葉雉鳴求其牡

答張逸云雌雉求牡非其耦故喻宣公與夫

人正義

谷風涇以涓濁箋此絕去所經見因取以
自喻

張逸問何言絕去答曰衛在東河涇在西河

故知絕去不復還

正義詩地理攷引此作衛在河東涇在河西涇不在

衛境作詩宜歌土風故言絕去此婦人既絕至涇而自比已志

旃邱序責衛伯也

答張逸云實當用伯而侯德適任之何嫌不

可命人位以德古亦然也

正義禮王制正義引稍異

鄘定之方中傳定營室也皆正四方

趙商問傳曰凡土功水昏正而我日至而畢
召誥於三月之下營洛不依禮之常時答云
傳所言者謂庸時也周召之作洛邑因欲觀
衆殷樂之與否則由欲觀民之義故不依常
時也

正義

作於楚宮傳仲梁子

張逸問楚宮今何地仲梁子何時人答曰楚
邱在濟河間疑在今東郡界中仲梁子先師
說魯人當六國時在毛公前

正義
玉海

卜云其吉傳山川能說

張逸問傳曰

釋文無傳字

山川能說何謂也

正義無也

字

答曰兩讀或言說說者說其形勢也或曰

述述者述其故事也述讀如遂事不諫之遂

釋文正義案正義兩引一全載一無末句或言或曰並作或云說述二字不疊

干旄

王瓚問曰舉於旌首當皆以皮邪盡之也答

曰皆但舉皮置於首不盡

初學記武部

載馳

答趙商云狄人入衛其時明然戴公廬漕及
城楚邱二者是還復其國也許夫人傷宗國
之滅又閔其民欲歸行其野視其麥是時之
憂思乃引日月而不得歸責以冬夏與誰因
誰極未通於許夫人之意正義

言至於漕

答張逸云漕邑在河南

衛氓無與士耽

張逸問箋云耽非禮之樂小雅云和樂且耽

何謂也答曰禮樂者五聲八音之謂也小雅亦言過禮之盛和樂過禮之言也燕樂嘉賓過厚賢也不以禮耽者非禮之名故以此禁女爲之

正義

王

張逸問平王微弱其詩不能復雅厲王流於彘幽王滅於戲在雅何答曰幽厲無道酷虐於民以強暴至於流滅豈如平王微弱政在諸侯威令不加於百姓乎

譜正義詩地理攷

君子陽陽右招我由房箋右手招我欲使
我從之於房中時在位有官職

張逸問何知在位有官職又男子焉得在房
答曰房中而招人豈遠乎故知可招者當在
位也招之者樂官有祿而無言責苟免時耳
路寢房中可用男子正義

大車毳衣如茨

正義云傳以茨爲雛箋以
茨爲亂似易傳又言其青

者如雛復似從傳
張逸疑而問之

答云雛鳥青非草名亂亦青故其青者如雛

正義

鄭有女同車

張逸問曰此序云齊女賢經云德音不忘文
姜內淫適人殺夫幾亡魯國故齊有雄狐之
刺魯有敝笱之賦何德音之有乎答曰當時
佳耳後乃有過或者早嫁不至於此作者據
時而言故序達經意

正義

齊甫田

韋曜問曰甫田維莠今何草答曰今之狗尾

也

御覽百卉部五莠

魏園有桃

答張逸云稅法有常不得薄今魏君不取於民唯食園桃而已非徒薄於十一故刺之

正義

伐檀不素飧兮傳孰食曰飧箋讀如魚飧之飧

答張逸云禮飧饗大多非可素不得與不素飧相配故易之也

正義

唐無衣

答趙商云諸侯入爲卿大夫與在朝仕者異
各依本國如其命數

正義及大車正義

采芘首陽之巔傳喻無徵箋喻事有似而非

答張逸云篇義云好聽讒當似是而非者故
易之

正義

幽七月

張逸問幽七月專詠周公之德宜在雅今在
風何答曰以周公專爲一國上冠先公之業

亦爲優矣所以在風下次於雅前在於雅分

周公不得專之

譜正義詩地理考

七月鳴鴈箋幽地晚寒

谷張逸云晚寒亦晚溫

正義又三之日正義引作晚溫亦晚寒

三之日納於凌陰四之日其蚤獻羔祭韭

孫皓問凌人十二月斬冰卽以其月納之七

月言三之日納於凌陰四之日卽出藏之旣

晚出之又早何

凌人疏

答云夏十二月取冰二

月開冰四月班冰是其常也藏之旣晚出之

又早晚者建寅乃藏此與周禮十二月藏冰較遲一月故出之早者四月夏之二月出冰與周禮同今幽土晚寒故可夏正月納冰夏

二月仲春大雩用事陽氣出地始溫故禮應

開冰先薦寢廟

正義周禮凌人疏及豕宰序官正義

小雅皇皇者華周爰咨詢

張逸問此箋云中和謂忠信每懷靡及箋云懷私爲每懷和當爲私而此言忠信愚意似乖也答曰非也此周之忠信也已有五德復

尚忠信之賢人

正義

常棣箋周公弔二叔之不咸召公爲作此

詩

查趙商云於文武時兄弟失道有不和協之意故作詩以感切之至成王之時二叔流言作亂罪乃當誅悔將何及未可定此篇爲成

王時作

譜正義

張逸問云周仲文以左氏論之二辟之興皆在叔世謂三代之末卽二叔宜爲夏殷末也

答曰此注左氏者亦云管蔡耳又此序子夏

所爲親受聖人足自明矣

正義原注周仲文蓋漢世儒者也

爲二叔宜爲夏殷之末不得爲管蔡鄭答注左氏者謂鄭賈之說也

答趙商云凡賦詩者或造篇或誦古

正義左傳隱三

年正

六月織文鳥章

答張逸云畫急疾之鳥隼

正義爾雅釋天疏

車攻駕言行狩傳戰不出頃田不出防

答張逸云戰有頃數不能盡其多少猶今戰

場者不出其頃界田者不出其防也

正義

斯于西南其戶箋宗廟及路寢制如明堂

答張逸云周公制禮建國土中

玉藻正義作制於土中

洛誥王入太室裸是也

玉藻正義誥下有云句末無也

顧命

成王崩於鎬京承先王宮室耳宣王承亂未

必

玉藻正義作又不能

如周公之制

正義禮記玉藻正義

賓之初筵樂既和奏箋殷人先求諸陽故

祭祀先奏樂

答趙商云衛殷之畿內

一作衛武公居殷墟故用殷禮

君子

行禮不求變俗祭祀之禮居喪之服哭泣之位皆如其國之法故衛稱殷禮

正義

大雅縣自西徂東箋云豳與周原不能爲西東

張逸問豳與周原不能爲西東何謂答曰豳地今爲柵邑縣在廣山北沮水西有涇水從

此西南行正東乃得周故言東西云

正義呂祖謙讀

詩記

棧樸六師及之箋王興師行者殷末之制

趙商問此箋引常武整我六師宣王之時
此征伐之事不稱六軍而稱六師不達其意
答曰師者衆之通名故人多云焉欲著其大
數則乃言軍耳

正義

生民

趙商問此箋云帝上帝又云當堯之時姜嫄
爲高辛氏世妃意以爲非帝嚳之妃史記嚳
以姜嫄爲妃是生后稷明文皎然又毛亦云
高辛氏帝苟信先籍未覺其偏隱是以敢問

身毛之義答曰卽姜嫄誠帝嚳之妃履大人
之迹而歆歆然是非真意矣乃有神氣故意
歆歆然天下之事以前驗後其不合者何可
悉信是故悉信亦非不信亦非稷稚於堯堯
見爲天子高辛與堯竝在天子位乎

正義

周頌絳衣序高子曰靈星之尸也

答張逸云高子之言非毛公後人著之

正義

魯頌閼宮及彼南夷傳荆楚也

答趙商云楚交中國而近南夷末世夷行

謂之夷也

正義

商頌長發箋郊祭天也

趙商同云案祭法殷人禘嘗而郊冥又喪服小記及大傳皆云王者禘其祖之所自出以其祖配之注皆以爲祭天皇大帝以嘗配之然則此詩之禘亦宜以爲圓丘之祭不審云郊何答曰郊祀后稷以配天則以祖配其祖從出之明文也云注皆以爲祭天皇大帝詩之大禘宜爲圓丘之祭探意大過得無誣乎

禘者祭名天人共云

正義又雖正義引末句云禘大祭天人共之

清人刺文公詩也文公厲公之子清人當

處卷末由脫闕失次廁於莊公時

答張逸云本無文字後人不能盡得其次

第錄者直存其義而已

譜正義案此條不得其次附於末

周禮志

天官膳夫王日一舉鼎十有二

趙商問膳夫云

云字依玉藻正義增

王日一舉鼎十有

二物皆有俎是爲三牲備焉

物皆有俎依玉藻正義增是

三牲備焉彼作有三牲備商案玉藻天子之食日少牢疏作

天子日疏作朔月大牢禮數不同請問疏作其說

食少牢疏作答云禮記後人所集詩正義作定據時而言

詩正義其引自此始或以諸侯同天子或以天子與諸侯

無此句疏所等疏所玉藻正義無兩所施不同故難據也疏所

禮數故難作難以玉藻疏所王制之法與周異疏所

正義無也字難誤作鄭疏及禮記玉藻正禮者多當以經爲正義詩鴛鴦正義

脂人凡田獸之脯脂臠胖之事

趙商問脂人掌凡乾肉而有臠胖何答云雖

鮮亦屬腊人 疏

酒正三酒注澄酒是三酒也

趙商問禮運注澄是沈齊今此注澄酒是二

酒何答云今解可去澄字 疏 此本不誤轉寫

盜澄字耳

禮記禮運正義案
盜澄又作益澄

司裘掌爲大裘

大裘之上又有玄衣與裘同色 疏

內宰出其度量淳制注純制天子巡守禮

所云制幣丈八尺純四狶與

趙商問云天子巡守禮制丈八尺純四袂何
答云巡守禮制丈八尺咫八寸四咫三尺二
寸又大廣四當爲三三八二十四二尺四寸
幅廣也古三三三積畫是以三誤爲四也疏又
疏引此答云咫八寸四當
爲三三咫謂二尺四寸也

內司服掌王后之六服

趙商問司服王后之六服之制目不解請圖
之答曰大裘衮衣鷩衣毳衣絺衣玄衣此六
服皆纁裳赤舄韋弁衣以韎皮弁衣以布此

弁皆素裳白舄冠弁服黑衣裳而黑舄冠
弁立端褱衣立舄首服副從王見先王掄翟
青舄首服副從王見先公闕翟赤舄首服副
從王見羣小祀鞠衣黃履首服編以告桑之
服褱衣白履首服編以禮見王之服祿衣黑
履首服次以御於王之服后服六翟三等三
舄立青赤鞠衣以下三履黃白黑婦人質不
殊裳履舄皆同裳色也

履人疏

三狄首服副副

履也所以覆首爲之飾其遺象若今步繇矣

鞠衣首服編編列髮爲之其遺象若今假紒
矣展衣祿衣首服次次弟髮長短爲之所謂
髮髻若燕居之時則亦祿衣繩笄總而已其

六服皆以素紗爲裏

禮記玉藻正義

地官保氏注書序也周公爲師召公爲保
相成王爲左右聖賢兼此官也

趙商問案成王周官立太師太傅太保茲惟
三公卽三公之號自有師保之名成王周官
是周公攝政三年事此周禮是周公攝政六

年時則三公自名師保起之在此何也答曰
周公左召右兼師保初時然矣疏

族師四閭爲族八閭爲聯

張逸問族百家安得有八閭答答上原并之

爲聯耳疏

使之相保相受刑罰慶賞相及相共

趙商問族師職曰四閭爲族八閭爲聯使之
相保相受刑罰慶賞相及在康誥曰父不慈
子不孝兄不友弟不恭不相及也地官疏脫

族師職至

不相及也四十四字族師之義鄰比相坐康誥之說秋官

疏義作職門內尙寬不知書禮是錯地官疏

說作云二答曰族師之職周公新制禮使民相共敕

之法康誥之時周法未定天下又新除三監

地官疏無務在尙寬以安天下先後異時各

有云爲乃謂是錯秋官疏錯下有也字

周官鄰保以比伍相及趙商疑而發問鄭

答云周禮太平制此爲居殷亂而言康誥正義

載師以廛里任中國之地

張逸問注十八分之十三率之何謂答曰六鄉之民上地不易家百畝一易家二百畝再易家三百畝相通三夫六百畝六遂之民上地家百畝萊五十畝中地家百畝萊百畝下地家百畝萊二百畝相通三夫而六百五十畝以三分去一之法當餘十二遂地以有五

十畝萊於三分去一乃得十三

畝

凡宅不毛者有里布凡田不耕者出屋粟趙商問載師職凡宅不毛乃罰以一里布田

不耕者罰屋粟商以田不耕其罪莫重宅不
毛其罰當輕宅不毛乃罰以二十五家之布
田不耕則罰之三夫之稅粟未達罰之輕重
之差云爲之旨答曰此法各當罰其事於當
其有故何以假他輕重乎 賦

閭師凡無職者出夫布注獨言無職者掌
其九賦

劉炎問載師職云凡民無職事者出夫家之
征閭師職云凡無職者出夫布夫家之征與

夫布其異如何答云夫家之征者田稅如今租矣夫布者如今算斂在九賦中者也又問閭師職云凡任民任農以耕事貢九穀下至任虞凡八貢不道九賦下言凡無職者出夫布注云獨言無職者掌其九賦若此者豈上八貢者復出八賦與無職所出夫布凡爲九將自布賦不同重計八貢未之能審也答曰讀天官冢宰職則審矣無職在九賦中今此不言其餘獨言此者此官掌斂賦嫌無職者

不審

疑當
之焉

出算故言耳

疏

調人凡和難父之讎辟諸海外

趙商問調人職稱父之讎辟諸海外君亦然
注使辟於此不得就而讎之商以春秋之義
子不復讎非子臣不討賊非臣楚勝之徒猶
言鄭人在此讎不遠矣不可以見讎而不討
於是伐之臣感君恩孝子思其親不得不報
和之而已子夏曰居父母之仇如之何孔子
曰寢苫枕干不仕不與共天下遇諸市朝不

反兵天下尙不反兵海內何爲和之豈宜此

字宜在上不達二禮所趣小子曰惑少蒙解

說答曰難若疏無若字在九夷之東八蠻之南六

戎之西五狄之北雖有至孝之心能往討不

曲禮正乎曲禮正義引子之所云偏於此義

疏

春官鬯人注秬如黑黍一稔二米

張逸問云鬯人職注云秬如黑黍一稔二米

案爾雅秬一稔二米未知二者同異已上唯疏引之

答云秬卽其皮稭亦皮

詩正義其字在皮下

爾雅重言

以曉人更無異稱也

疏及詩生民正義爾雅釋草疏

籥師注傳曰去其有聲者廢其無聲者

張逸問籥師注春秋傳曰去其有聲者廢其

無聲者何謂

此問唯疏引之

答云廢置也於去

禮弓正義

此下有

者爲廢謂廢留不去也

疏無此

故曰

廢

疏及禮記檀弓正義大司樂疏

大宗伯以血祭祭社稷五祀五嶽

張逸問曰以血祭祭五嶽以狸沈祭山川不

審五嶽亦當狸否答曰五嶽以狸沈祭山川

尊祭之從血腥始何嫌不狸

詩鳧鷖正義

以狸沈祭山林川澤

詩正義又謂爾雅釋天云祭山曰庶懸不

言埋張逸亦引以問

答曰爾雅之文雜非一家之注不可盡據以

難周禮

詩鳧鷖正義

注五祀五官之神在四郊四時迎五行之

氣於四郊而祭五德之帝亦食此神焉少

昊氏之子曰重爲句芒食於木該爲蓐收

食於金修及熙爲立冥食於水顓頊氏之
子曰黎爲祝融后土食於火土

趙商問春秋昭二十九年左傳曰顓頊氏之
子犁爲祝融共工氏有子曰句龍爲后土祭
法曰共工氏之霸九州也其子曰后土能平
九州故祀以爲社社卽句龍今云五官之神
在四郊其二祀合爲犁食火土者何答曰犁
爲祝融句龍爲后土左氏下言后土爲社謂
暫作后土已上唯后土轉爲社五字依詩無

疏引之

后土轉爲社

正義增

無

有詩正義

作複

代者故先師之說犁兼之因火土

俱位南方

疏及詩甫田正義末句詩正義作亦因火土位在南

司尊彝裸用雞彝鳥彝

一雞彝盛明水鳥彝盛鬱鬯是以各一尊罍
尊不言數者禘祫與時祭追享朝享等皆同
用三酒不別數可知也疏

典瑞執鎮圭纁藉五采五就以朝日

祭天地宗廟亦執之

禮記曲禮正義

大司樂王師大獻注獻捷於祖

趙商問夏官

二字依大司馬疏增

大司馬云師有功則

愷樂獻於社春官大司樂云王師大獻則令

奏愷樂注云大獻獻捷於祖不達異意答曰

司馬云師大獻則獻社司馬主軍事之功疏

以軍故獻於社大司樂宗伯之屬宗伯主於

宗廟之禮

大司馬疏作宗伯主宗廟

故獻於祖也

疏及大司馬疏

大卜一曰玉兆二曰瓦兆三曰原兆注杜

子春云玉兆帝顓頊之兆瓦兆帝堯之兆

原兆有周之兆

趙商問此并問下文子春云連山宓戲歸藏

黃帝

此疏節舉非原文

今當從此說以下敢問杜子

春何由知之答云此數者非無明文改之無

據故著子春說而已近師皆以爲夏殷周

疏案

太卜疏兩引鄭答一悉同一故著作且從

簪人巫更注謂筮遷都邑

答趙商云此都邑比於國爲小故筮之

詩定之方

中正若武王遷洛般庚遷殷之等則卜故大

卜有卜大遷之事

疏

巫參注謂筮御與右

趙商問僖十五年秦晉相戰晉卜右慶鄭吉
襄二十四年晉致楚師求御於鄭鄭人卜宛
射大吉皆用卜今此用筮何且此云筮是國
之六事先筮而後從卜曲禮注引春秋獻公
卜娶驪姬不吉公曰筮之又尙書龜從筮從
請明所據答云天子具官有常人官非一人
故筮有可使者諸侯兼官無常人故臨時卜
之也

疏

占夢以日月星辰占六夢之吉凶

張逸問占夢注云春秋昭三十一年十二月辛亥朔日有食之是夜也趙簡子夢童子裸而轉以歌旦而日食占諸史墨對曰六年及此月也吳其入郢乎終亦弗克入郢必以庚辰日月在辰尾庚午之日始有謫火勝金故弗克此以日月星辰占夢者不知何術占之前問不了答曰日月在辰尾夏之九月辰在房末有尾星建戌厭庚寅與申對辰與戌

對申近庚辰與戌對故知庚辰干上爲客辰
下爲主人故午爲主人金侵火故不勝雖不
勝卽復故云弗克日有謫氣時得九月節者
以庚午在甲子篇辛亥在甲辰篇也中有甲
戌甲申甲午成一月也從庚午以下四日從
甲辰至辛亥八日并之十二日通同四十二
日又問曰何知有此厭對之義乎答曰案堪
輿黃帝問天老事云四月陽建於巳破於亥
陰建於未破於癸是爲陽破陰陰破陽故四

月有癸亥爲陰陽交會十月丁巳爲陰陽交會言未破癸者卽是未與丑對而近癸也交會惟有四月十月也若有變異之時十二月皆有建厭對配之義也

疏

巾車建大白以卽戎

趙商問巾車職云建大白以卽戎注云謂兵事司馬職仲秋辨旗物以治兵王載大常下注云凡頒旗物以出軍之旗則如秋不知巾車大白以卽戎爲在何時

司馬疏無巾車在三字

答曰

白者殷之正色

疏無白者二字

王卽戎者

疏無此句

或會

事

司馬疏作命將

或勞師不自親將

疏無自字

故建先王

之正色異於親自將也

疏及大司馬疏

建大麾以田

趙商問巾車職曰建大麾以田注云田四時

田獵商案大司馬職曰四時皆建大常今又

云建大麾以田

司馬疏無此入字

何答曰麾夏之正

色田

疏無此字

雖習戰春夏尙生其時宜入兵夏

木不以兵得天下故建其正色以春夏

疏脫夏字

田至

疏無至字

秋冬出兵之時乃建大常

疏及大司馬疏

夏官校人天子十有二閑馬六種邦國六

閑馬四種家四閑馬二種

趙商問曰校人職天子十有二閑馬六種爲

三千四百五十六匹邦國六閑馬四種爲二

千五百九十二匹家四閑馬二種爲千七百

二十八匹商案天子之卿采地食小都

詩正義無

以上九字

大夫食縣不審所由當能共此馬數

詩正義

能供此馬

故禮記家富不過百乘謂其多也

以詩正義無此十四字

司馬法論之一甸之田方八里

疏作甸方八里

有戎馬四匹長轂一乘今大夫采地

四甸一甸稅又給王

詩正義作一甸之稅以給王

其餘三

甸裁有馬十二匹今又就校人之職相校甚

異何答曰邦國六閑馬四種其數適當千二

百九十六匹家四閑馬二種

疏作家有四閑二種

又當

八百六十四匹今子以何術計之乎此馬皆

君之所制爲非謂民賦

詩正義作國君之制非民之賦

畿內

百里之國者居四都五十里之國居四縣二

十五里之國居四甸而引天子卿食小都大

夫食縣欲何以難又

詩正義無以上四十四字

司馬法甸

有戎馬四匹長轂一乘此謂民出軍賦無與

於天子國馬之數事條未理而多紛紜

疏及詩定

之方中正義未八字詩正義無

職方氏四夷八蠻七閩九貉五戎六狄之

人民

趙商問曰職方氏掌四夷八蠻七閩九貉五

戎六狄之數注云周之所服國數禮記明堂

位曰周公六年制禮作樂朝諸侯於明堂有

禮記正義無周朝位服事之國數夷九蠻八

戎六狄五禮文事異未禮記正義作不達其數答云

職方氏四夷謂四方夷狄也疏無謂字九貉卽九

夷在東十八蠻在南方閩其別也戎狄之數

詩正義引自或六或五兩文異詩正義此爾

雅惟有其耳詩正義作爾雅雖有與同皆

皆無別國之名校未甚明詩禮正義並無故

不定疏及詩蓼蕭正義禮記明堂位正義又

其國數其名難得
而知蓋撮舉之辭

大行人凡大國之孤執皮帛以繼小國之
君

趙商問大行人職曰凡大國之孤執皮帛所
尊衆多下云其他眡小國之君以五爲節今
此亦五下云諸侯之卿各下其君二等以下
注云公使卿亦七侯伯亦五子男三不審大
國孤五而卿七何答曰卿奉君命七介孤尊
更自特見故五介此有聘禮可參之未之思

邪反怪此更張擯介又繼小國之君非私覲也

疏

出入三積

趙商問大行人職曰孤出入三積此卽與小國同宜應胝小國之君何須特云三積與例似錯答曰三積者卿亦然非獨孤也故不在胝小國之中與例似錯何所據也

疏

掌客上公醯醢百有二十

此公乃二王後

疏

冬官與氏槩而不稅

趙商問與氏爲量槩而不稅塵人職有稅何

答曰官量不稅

疏

矢人兵矢田矢注兵矢枉矢絜矢也此二
矢亦可以田田矢謂矰矢

趙商問司弓矢注云凡矢之制矰矢之屬七
分三在前四在後案矢人職曰田矢五分二
在前三在後注云田矢謂矰矢數不相應不
知所裁答曰田矢謂矰矢此先定後云此二

矢亦可以田頃若少疾此疏初在篋笥之間

屬錄事得之謹答

疏

匠人周人明堂

趙商問云說者謂天子廟制如明堂是爲明堂卽文廟邪答曰明堂主祭上帝以文王配耳猶如郊天以后稷配也

南齊書禮志上

儀禮志

覲禮乃朝

朝覲四時通稱故覲禮亦云朝

周禮大行人疏

喪服爲人後者傳支子可也 劉德問云

爲人後者支子可也長子不以爲後同宗

無支子唯有長子長子不後人則大宗絕

後則違禮如之何田瓊答曰以長子後大

宗則成宗子禮諸父無後祭於宗家後以

其庶子還承其父

通典禮
五十六

繼母如母

答趙商云繼母而爲父所出不服也

通典禮
五十四

慈母如母

趙商問慈母嫁亦當爲服如繼母不答云慈

母賤何得如繼母邪

通典禮五十四

女子子適人者爲其父母昆弟之爲父後者傳婦人雖在外必有歸宗曰小宗

答趙商云婦人有歸宗謂自其家之爲宗者

大夫稱家言大夫如此耳夫人王后則不然

也

詩葛覃正義

自其家之宗言宗及小宗故知是

大夫士也諸侯夫人父母卒無歸寧之理故

知諸侯夫人爲兄弟爲諸侯者但大功耳

禮記

檀弓

正義

爲君之父母妻長子祖父母傳父卒然後
爲祖後者服斬

趙商問已爲諸侯父有廢疾不任國政不任
喪事而爲其祖服制度之宜年月之斷云何
答云父卒爲祖後者三年斬何疑商又問父
卒爲祖後者三年已聞命矣所問者父在爲
祖如何欲言三年則父在欲言期復無主斬
杖之宜主喪之制未知所定答曰天子諸侯

喪皆斬衰無期

疏

爲庶母慈己者 陳鑠問汜閣爲庶母慈己鄭注引內則國君之子有子師慈母保母又曰大夫之子有食母庶母慈己此之謂也內則人君養子之法禮人君之庶母尙無服何以爲慈母服乎若欲施大夫大夫無此禮但有食母耳答曰內則實總國君及大夫養子之禮案內則云大夫見子之禮入門升阼階也遂左旋授師師子師

也喪服有庶母慈己禮有子師此明大夫

之子有庶母慈己

通典禮
五十二

乳母

劉德問田瓊曰乳母總注云養子

者有他故賤者代之慈己今時婢生口使
為乳母得無甚賤不應服也瓊答曰婢生

口故不服也

通典禮
五十二

改葬總

陳鑠問云親見尸柩不可吉服

既虞可除何為乎三月趙商答曰經云改

葬總三月而除三月一時無他變易今既

總無因便除故待三月除以順總之數通典

禮六十四

禮記志

曲禮前有水則載青旌注載所謂舉於旌

首

王瓚問曰舉於旌首當皆以皮邪盡之也答

曰皆但舉皮置於首不盡初學記武部答曰

畫

婦諱不出門 陳鏗問曰雜記母之諱宮

鄭志

三十七

中諱妻之諱不舉諸其側也此則與母同
諱何也田瓊答曰雜記方分尊卑故詳言
之曲禮據不出門大略言之耳母諱遠妻
諱近則亦宜言也但所辟者狹耳義

大功小功不諱 陳鏗問云亦爲父乎自
已親乎田瓊答曰雜記云卒哭而諱王父
母兄弟世父叔父姑姊妹子與父同諱諱
齊衰親也正義

大夫士之子不敢自稱曰嗣子某 焦氏

問按春秋君在稱世子君薨稱子某既葬稱子無言嗣子某者也又大夫之子當何稱張逸答曰此避子某耳大夫之子稱未

聞義

已孤暴貴不爲父作謚

趙商問曰曲禮云已孤暴貴不爲父作謚而武王卽位追王大王王季文王改謚爵何也答曰周道之基隆於二王功德由之王迹興焉凡爲人父豈能盡賢乎若夏禹殷湯則不

追謚矣郊特牲云死而謚之今也古者生無

爵死無謚

通典禮六十四

天子之五官 崇精問焦氏云鄭云三王

同六卿殷應六卿此云五官何也焦氏答

曰殷立天官與五行其取象異耳

正義

檀弓舜葬於蒼梧之野注征有苗而死因

留葬 焦氏問竈三苗于三危在西裔今

舜征有苗乃死於蒼梧者何張逸答初竈

西裔後分之在南

正義

師吾哭諸寧。

答趙商云是殷禮若周禮則奔喪云師吾哭諸廟門外正義

四方於子乎觀禮子蓋慎諸注見子思欲爲嫁母服恐失觀戒之

張逸問舊儒世本皆以孔子後數世皆一子禮適子爲父後爲嫁母無服檀弓說子思從於嫁母服何答云子思哭嫂爲位必非適子或者兄若早死無繼故云數世皆一子正義

斂斯席矣注大斂奠於堂

答趙商堂當爲室

正義

祥而縞是月禫徙月樂

答趙商云祥謂大祥二十五月是月禫謂二

十七月非謂上祥之月也

魏書禮志

既禫徙月而

樂作禮之正也孔子五日彈琴自省哀樂未

忘耳踰月可以歌皆自省踰月所爲也

正義

君遇柩於路

答張逸云行而遇之謂凡民也雖以民爲主

亦兼微小臣君不豫知其喪

正義

有殯聞遠兄弟之喪 問曰或言往哭或
言側室或言他室不同何也及雜記云三
年之喪雖功衰不弔如有服服其服而往
雖總必往亦當服其服不王贊答曰檀弓
言往哭不言輕重通三年當往也雜記斬
衰言功衰乃服其服而往則齊衰亦於功
衰乃服其服也哭他室者爲外兄弟明皆
當先哭乃行耳異國則不往也

通典禮五十七問曰

上有鄭記二字及似當作又

惟殯非古也 張逸答陳鏗云敬姜早寡

晝哭以避嫌惟殯或亦避嫌之遠色也正義

弁經葛而葬 鄭冲云小記云諸侯弔必

皮弁錫衰則此弁紵之衰亦是弔服也正義

周朝而遂葬

趙商問周朝而遂葬則是殯於宮葬乃朝廟

案春秋晉文公卒葬於曲沃是爲去絳就祖

殯與禮記義異未通其說答曰葬乃朝廟當

周之正禮也其末世諸侯國何能同也傳合

不合當解傳耳不得難經

周禮喪祝疏

生事畢而鬼事始已注謂不復饋食於下室而鬼神祭之

答張逸云未葬以脯醢奠於殯又於下室設黍稷曰饋下室內寢也至朔月月半而殷奠殷奠有黍稷而下室不設也既虞祭遂用祭禮下室遂無事也

正義

王制公侯田方百里注此地殷所因夏爵

三等之制也

張逸問殷爵三等公侯伯尙書有微子箕子
何答云微子箕子實是畿內采地之爵非畿
外治民之君故云子也正義

注周世有爵尊而國小爵卑而國大者正義

三張逸疑而
厚解以問

設今有五十里之國於此無功可進無
過可退亦就益其地爲百里之國爵尊而國
小者若虛號之君爵爲公地方百里爵卑而

大者侯四百里伯三百里子男二百里皆

大於虞號

正義

王制喪三年不祭唯祭天地社稷爲越紼而行事

答田瓊云天地郊社至尊不可廢故越紼祭之六宗山川之神則否 五祀宮中之神喪時朝夕出入所祭不爲越紼也天地社稷之祭豫卜時日今忽有喪故旣殯越紼行事若遭喪之後當天地郊社常祭之日其啟殯至

於反哭則避此郊社祭日爲之

大夫士宗廟之祭注所謂羔豚而祭百官皆足 任厥問云天官司裘注云士不大射士無臣祭無所擇此云百官皆足則有臣矣汜閣答曰此上下兼說之耳士雖無臣猶有屬官佐祭特性饋食云公有司私臣皆殺胾百官皆足抑謂此也

正義

月令省囹圄 崇精問曰獄周曰圜士殷曰羸里夏曰均臺囹圄何代之獄焦氏答

日月令秦書則秦獄名也漢曰若盧魏曰

司空

正義

玄鳥至至之日以大牢祠于高禘注高辛氏之世玄鳥遺卵娥簡狄吞之而生契後王以爲禘官嘉祥而立其祠焉王權問曰以注言之先商之時未有高禘生民詩曰克禋克祀以祓無子傳以爲古者立以爲禘焉姜嫄禋祀上帝而生稷是則高禘之世非以生稷後立也

御覽焦喬

御覽作答

曰先契之時必自有媒氏祓除之祀

御覽作

商必自位在南郊

禮記正義位

蓋亦以玄

鳥至之日

禮記詩正義均無亦字

祀之矣

御覽無祀之矣三字

然其禋祀

詩正義其作得御覽禋祀作所禋

于上帝也

御覽

帝下無

娥簡狄吞臚子之後

禮記正義臚也字誤作鳳子

衍有

後王

御覽無後字

以爲禡官

禮記正義無以字

嘉

祥祀之以配帝謂之高禡

正義

詩生民御覽五

百九

螳螂生注謂螳螂螬蛸母也

王瓚問曰

瓚以下俱是答辭王瓚上當有答字

爾雅云莫貉螳

蝮同類物也今沛魯以南謂之螻蟻三河之

域謂之螳蝮燕趙之際謂之倉脆齊濟以東

謂之馬敷然名其子則同云螻蝮

沛魯以南至同云螻

蝮禮記正義引作方言云誤

是以注云螳蝮螻蝮母

正義藝文

類聚

昏火中

孫皓問月令季夏火星中前受東方之體盡以爲火星季夏中星也不知夏至中星各答

曰日永星火此謂大火也大火次名東方之次有壽星大火析木三者大火爲中故尙書云舉中以言焉又每三十度有奇非特一宿者也季夏中火猶謂指必也

詩七月正義

鷹乃學習 焦氏問云仲秋乃鳩化爲鷹仲春鷹化爲鳩此六月何言有鷹學習乎張逸答曰鷹雖爲鳩亦自有真鷹可習矣

正義

曾子問並有喪 崇精問曰葬母亦朝廟

否其虞父與母同日異日乎焦氏答曰婦未廟見不朝廟耳內豎職云王后之喪朝廟則爲之蹕也是母喪亦朝廟明也虞當

異日也

正義

五祀之祭不行注郊社亦然

趙商問云自啟至反哭五祀之祭不行注云郊社亦然案王制云唯祭天地社稷爲越紼而行事旣云葬時郊社之祭不行何得有越紼而行事答云越紼行事喪無事時天地郊

社有常日自啟及至反哭自當辟之

正義

公館與公所爲曰公館注君所命使舍己者 鮑遺問曰注此云公所爲君所命使舍己者注雜記云公所爲若今離宮別館也是二說異何張逸答曰公館若今停待者也離宮是也聘禮曰卿館於大夫大夫館於士公命人使館客亦公所爲也

正義

禮器詩云匪革其猶聿追來孝

答吳

本誤作靈

模云爲記注之時依循舊本此文

是也後得毛詩傳而爲詩注更從毛本故與

記不同

正義

祭祀不祈

趙商問商案周禮設六祈之科禱饗而祭無
不祈故敢問禮記祭祀不祈者何義也答云
祭祀常禮以序孝敬之心當專一其志而已
禱祈有爲言之主於求福豈禮之常也

正義

郊特牲庭燎之百注庭燎之差公蓋五十
侯伯子男皆三十 崇勦問引大戴禮也

何以言蓋汜閣對曰言蓋無別意猶如禮
運云仲尼之歎蓋歎魯也亦無別意

正義

劉德問曰君弔大夫迎於門外又拜送於
門外大夫弔不迎於門外今時縣令長弔
主人待之當依國君來弔禮與依大夫來
弔也又當去杖其至皆如故無可捨耶又
今時丞尉來弔待之當如何田瓊答曰今
之君與禮所云君輕重不同若必欲依之
令長宜依國君丞尉宜依大夫君於禮但

見去杖戢杖其餘不見也今於君弔以首
經貫臂遣人則不禘之而已

通典禮
四十三

社祭土而主陰氣也

趙商問郊特牲社祭土而主陰氣大宗伯職
曰王大封則先告后土注云后土土神也若
此之義后土則社社則后土二者未知云何
敢問后土祭誰社祭誰乎答曰句龍本后土
後遷之爲社

周禮疏遷
下無之字

王大封先告后土

詩正

義大封上
無王字

玄云

詩王義玄云
作玄注云

后土土神不言

詩正義不云后土社也周禮春官大宗伯疏詩蒲田正義

田瓊問周禮大封先告后土注云后土社也
前答趙商曰當言后土土神言社非也檀弓
曰國亡大縣邑或曰君舉而哭於后土注云
后土社也月令仲春命民社注云社后土中
庸云郊社之禮所以事上帝也注云社祭地
神不言后土省文此三者皆當定之否答曰
后土土官之名也死以爲社社而祭之故曰
后土社詩正義無后三字句龍爲后土周禮作後

轉爲社故世人周禮疏世人謂社爲后土無

可怪也

周禮疏無也字

欲定者定之亦可不須周禮

伯疏詩甫

田正義

內則有脯無膾

脯非食餼此燕得食脯者脯非食餼謂食不
專用脯以爲食餼若有餘饌兼之則得有脯

正義

玉藻諸侯之齊冠也注四命以上齊祭異

冠

趙商問云以雜記云大夫冕而祭於公弁而祭於己士弁而祭於公冠而祭於己是爲三命以下齊祭異冠何但四命以上也觀注似若但施於己祭不可通之也答云齊祭謂齊時一冠祭時亦一冠四命乃然大夫冠士弁而祭於君齊時服之祭時服之何以亦異正義明堂位尊用犧象注犧尊以莎羽爲畫飾張逸問曰明堂注犧尊以莎羽爲畫飾前問曰犧讀如沙沙鳳皇也不解鳳皇何以爲沙

答曰刻畫鳳皇之象於尊其形婆娑然

梁劉詔傳

引此云畫鳳皇尾婆娑然

或有作獻字者齊人之聲誤耳

正義正

喪服小記朋友虞祔而已

劉德問曰喪

服小記云朋友虞祔而已此謂立幼而爲

虞祔也若都無主族神不欲非類當爲虞

祔不田瓊答曰虞安神也祔以死者祔於

祖也既朋友恩舊歡愛固當安之祔之然

後義備也但後日不常祭之耳

通典禮六十一

久而不葬者唯主喪者不除

趙商問主喪者不除且以今言之人去邦族假葬異國禮不大備要亦有反舊土之意三年闋矣可得除不明爲改葬總之例乎爲久不葬乎答云葬者送亡之終假葬法後代巧僞反可以難禮乎

通典禮六十三

桓翊問汜闕云久喪不除者爲當眾子盡然耶故質焉爾答云昔嘗送鄭君到代陵有人其父死不得其屍其子行喪隨制降

殺閣與亡者相知而往弔之還問鄭君所
駁異義之事不孝莫大於無後終身不
此爲絕先人之統無乃重乎鄭君答云庶
子自可攝祭閣覆云無庶子當何以又云
庶人可以其倫代之閣又覆言云無族人
云何則不復相答推此而詳但使一子
不除耳

通典禮
六十三

雜記成廟則覺之

遷廟者更覺其廟而移故主焉

大戴記諸
侯遷廟注

祭法大夫立三廟

趙商問祭法云大夫立三廟曰考廟曰王廟曰皇考廟注非別子故知祖考無廟商

王制大夫三廟一昭一穆與太祖之廟而二

注云太祖別子始爵者雖非別子始爵者亦
然一者不郊所定答云祭法周禮王制之云

或以夏殷雜不合周制

王制正義

坊記澄酒在下注清酒也

答曰瓊云禮運云醴醖醢澄各是一物皆不

言酒故推其意澄爲沈齊酒爲三酒坊記云
澄也釀也澄也皆言酒故因注云澄酒清酒
也其實沈齊也

禮運
正義

中庸吾從周

趙商問孔子稱吾學周禮今用之吾從周檀
弓云今上也殷人也兩楹奠殯哭師之處皆
明法於殷禮未必由周而云吾從周者何也
曰今用之者魯與諸侯皆用周之禮法非
自施於己在宋冠章甫之冠在魯衣逢掖

之衣何必純用之

用之一作周云

吾從周者言周禮

法最備其爲殷周事豈一也

正義

服問爲其母之黨服則不爲繼母之黨服

趙商問曰禮母亡則服其黨不服繼母黨以

外氏不可二也若母黨先滅亡無親己所未

服服繼母黨不答曰此所問權也非禮之正

似令母在本自都無親黨何所服邪權者由

心

喪服四制言不文者謂臣下也注孝經說

云言不文指士民也 陳鏞問曰案坊記
云高宗諒陰三年不言言乃謹此則所言
也又喪大記云既葬與人立君言王事不
言國事大夫士言公事不言家事此天子
諸侯俱有言矣而獨謂臣下上句恐誤云言
而后事行者杖而起注云謂卿大夫也孝
經說云言不文指士民也義似不同引之
何明綽商答曰三年之喪天子諸侯不言
而事成者冢宰存也雖亦有所言但希耳

至於臣下須言而辨爲可謂言句有但不

文耳各有所施不相妨也言臣下時字所

包者廣孝經云士民注引之者欲微見其

小異其大趣亦同也通典禮四十一

張逸問禮注曰書說書說何書也答曰尙書

緯也當爲注時時在文綱中嫌引秘書故諸

所牽圖讖皆謂之說檀弓正義案正義云今禮注無引書說者豈有

脫文與姑附於此

月合命民社謂秦社也自秦以下民始得立

社也

郊特牲
正義

劉德問田瓊曰失君父終身不得者其臣子當得昏不答曰昔許叔重作五經異義已設此疑鄭君駁云若終身不除是絕嗣也除而成昏違禮適權也

通典禮
五十八

春秋志

隱八年傳先配而後祖

祖祖道之祭應先爲祖道然後配合今乃先爲配合而後乃爲祖道之祭

禮記曾子問正義又儀禮聘禮

出祖釋載祭酒脯正義
引鄭志祖爲祭道神

莊二十二年傳飲桓公酒

答張逸云時桓公館敬仲若哀公館孔子之

類

詩湛露
正義

閔二年夏五月吉禘於莊公

答趙商云於禮少六月

禮記王
制正義

僖四年傳五侯九伯

答張逸云五侯侯爲州牧也九伯伯爲州伯
也一州一牧二伯佐之太公爲王官之伯二

人共分陝而治自陝以東當四侯半一侯不可分故言五侯九伯則九人若征五等諸侯九州之伯是天子何異乎云夾輔之有也

詩鹿

邱正義王制正義作若征五等諸侯九州之伯何夾輔之有太公爲王官伯分主自陝以東不可分爲四侯半故稱五侯四州有八伯畿內有一伯故爲九伯也左傳正義作周之制每州以一侯爲牧二伯佐之九州有九侯十八伯太公爲東西太伯中分天下者當各統四侯半一侯不可分故言五侯其伯則各有九耳

八年七月禘於大廟

答趙商云僖八年正月公會王人於洮六月

應禘以在會未還故至七月乃禘君子原情免之禮不合譏而書之者爲致夫人故書七月禘也禮記之云何必皆在春秋之例

禮記雜記

正義

三十二年傳舜之罪也殛鯀其舉也興禹

答趙商云鯀非誅死鯀放居東裔至死不得反於朝禹乃其子也以有聖功故堯興之若以爲殺人父用其子而舜禹何以忍乎而尙書云鯀則殛死禹乃嗣興者箕子見武王誅

討今與已言懼其意有慙德爲說父不肖則
罪子賢則舉之以滿武王意也

禮記祭法正義

文公六年閏月不告朔猶朝於廟

趙商問云經曰閏月不告朔猶朝於廟穀梁
傳云閏月附月之餘日喪事不數又哀五年
閏月葬齊景公公羊傳云閏月不書此何以
書喪以閏數喪數略也此二傳義反於禮斷
之何就答曰居喪之禮以月數者數閏以年
數者雖有閏無與於數

公羊哀五年疏

十五年傳諸侯五年再相朝

孫皓問云諸侯五年再相朝不知所合典禮

答云古者據今而述

禮記正義作據時而道

前代之言

唐虞之禮五載一巡守

左傳正義無唐虞至巡守九字

夏殷

時天子蓋六年一巡守諸侯間而朝天子其

不朝者朝罷朝五年再朝似如此

左傳正義再朝作再

相朝者至此止

制禮典不可得而詳

正義禮記王制正義

成十二年傳凡自周無出

答孫皓曰凡自周無出者周無放臣之法罪

大者刑之小則宥之

正義

二十七年傳唯卿備百邑

天子之卿其地見賜乃有何由諸侯之臣正

有此地

儀禮喪服疏天子

邑方二里與百乘

別諸侯臣賜地無常得地者卿百乘下大夫

同十里之成

禮記坊記正義

昭四年傳西陸朝覲而出之

答孫皓云

左傳正義作答其弟子孫皓云

西陸朝覲謂四月

立夏之時周禮夏班冰

詩正義周禮下有日字

是也

左傳

正義詩七月正義

六年傳夏有亂政而作禹刑商有亂政而作湯刑周有亂政而作九刑

三辟之興皆在叔世受命之王所制法度時不行耳世末政衰隨時自造刑書不合大中故叔向譏之作刑書必重其事故以聖人之號以神其書耳

周禮秋官司刑疏

十一年五月夫人歸氏薨

趙商問云案許氏異義駁以爲妾子爲其母

依喪服庶子爲後爲其母緦麻三月案禘祫
注稱春秋魯昭公十一年夏夫人歸氏薨十
三年五月大祥七月而禫是得爲妾母三年
經無譏文得合下禘祫之數若不三年則禘
祫事錯答云春秋經所譏所善皆於禮難明
者也其事著明但如事書之當案禮以正之
今以不譏爲事是亦寧有善之文與

通典禮
五十三

十三年傳鄭伯男也

答趙商云此鄭伯男者非男畿乃謂子男也

先鄭之於王城爲在畿內之諸侯雖爵爲侯伯周之舊俗皆食子男之地故云鄭伯男也

詩譜正義

三十一年傳十二月六年及此月也服虔云歲在析木後六年大梁十二月日在星

紀

趙商問曰周之十二月夏之十月日體正應在析木而云在星紀何答曰據此月中有十一月節故舉言之成長以爲誤也

周禮占夢疏

三十二年傳不及四十年越其有吳乎越
得歲而吳伐之必受其凶

五星之期各用數有氣者期遠而禍大無氣
者期近而禍小吳伐越以夏周之孟夏建卯
仲夏建辰木用事之時木數三木用事則歲
星王常從遠期以三乘十二爲三十六歲星
復其所而三十七過其次而歲星去矣故伐
越以後積三十八年至哀二十二年冬十一
月丁亥而越滅吳案越興在哀二十年吳惡

未周故不滅也

周禮保章氏疏

天文分野斗主吳牽

牛主越此年歲星在牽牛故吳伐之凶

正義

定四年傳曹爲伯甸

趙商問定四年左傳曰曹爲伯甸言爵爲伯服在甸案曹國實今定陶去王城六七百里甸服在二服去王城一千五百里亦復不合敢問其故答曰東都之畿方六百里半之三百里曹今濟陰定陶也

詩正義此句止有定陶二字

去王

城八百里有餘豈六七百里也除畿內二百

里左傳正義八百里下無有餘至此十三侯

甸五百里定陶在畿外詩正義侯甸作何謂

不合正義詩王城譜正義

哀十三年傳乃先晉人

不可以國語亂周公所定法正義

十六年傳反柘於西圃

張逸問許氏異義駁衛孔悝之反柘有王者何謂也答禮大夫無主而孔獨有者或時末代之君賜之使祀其所出之君也諸侯不祀

鄭志

五十九

天而魯郊諸侯不祖天子而鄭祖厲王皆時
君之賜也

禮典八

雜問志

論語鄉黨篇朋友死無所歸曰於我殯

劉德問朋友無所歸於我殯若此者當迎
彼還已館皆當停柩於何所田瓊答曰朋
友無所歸故呼而殯之不謂已殯迎之也
於已館而殯之殯之而已不於西階也

禮典

禮六十一

韎韐之不注不讀如幅注屬也幅有屬者以

淺赤韐爲弁又以爲衣而素裳白舄也

詩六月正

義司服聘禮疏又見儀禮聘禮正義秦鑑本

此條作韎韐之跗注跗爲幅注亦爲屬以韎韐幅如布帛之幅而連屬以爲衣而素裳

周都豐鎬故以吳岳爲西岳

詩崧高正義

四時迎氣於四郊祭一帝還於明堂亦如之

正義所引止此因祭一帝則以文王配明一賓不容

兩主也享五帝於明堂則泛配文武

詩我將正義南

齊書禮

志上

民國甲戌三月

空江鄂宋玉

天子巡守禮無六軍之文

詩時邁正義

內則饗次糝周禮醕次糝又醕在六飲中不合在豆且內則有饗無醕周禮有醕無饗明

醕饗是一也

周禮醕人疏

稍縣都地有公邑之民口率出泉於王也邦國都鄙無口率之賦唯有軍賦革車匹馬士

徒而已

周禮小司徒疏

四時治兵王自出禮記天子殺則下大綏司

馬職王建大常足相參正

周禮中車疏

春日其帝大皞其神句芒祭蒼帝靈威仰大
皞食焉句芒祭之於庭祭五帝於明堂五德
之帝亦食焉又以文武配之祭法祖文王而

宗武王此謂合祭於明堂漢以正禮散亡戴

禮文殘缺此十一字疑有脫誤不審周此二字依禮志增以何

月也於月令則以季秋禮記祭法正義又詩我將正義南齊禮志

上並引末二句

有小泰山公玉帶曰岐伯令黃帝封泰山既

此山也後漢郡國志補注

正月上辛祀后稷於南郊還於明堂以文王

配南齊書
禮志上